



Melele ear kōkāāl eliktata: Jebtōmba 14, 2020

Melele in Kajinet ñan Bar Bellok an Aoleben State eo – an ikkure ko an Kolaj, Jimettan-Rikabel, Ikkure ko an Minor League, Joñan aer Maroñ Rool in Ikkure Ediklok

Maroñ eo: Wōtar jen Ra In Loloorjake Nōmba 20-27, ORS 433.441, ORS 433.443, ORS 431A.010

Kabin: Ñan joñan eo emaroñ melele in kajinet in ej aikuj an armij loor jet kakien ko rejejet, enaj wōr kabin ko einwōt kalikar ilo Wōtar jen Ra In Loloorjake 20-27, ioon 26.

Ekkar ñan: Melele in kajinet in ej jermal ñan kaloj, ro jimettan rikabel, im kōmelmel ilo ikkure ko an minor league, kōmelmel im ikkure an jejetin ikkure ko ilo aoleben state eo.

Rikkure/Kumi ko rej itok jen ijoko jet inabōjin Oregon im rej itok ñan Oregon in ikkure reaikuj loor melele in kajinet eo emōj kalikar ilo beba in.

Emōj kamo ikkure ko elab an rikkure ro ekkeitaak enbwinnin doon ilo tōre in. Kōmelmel im kakajur ñan ikkure ko elab an rikkure ekkeitaak enbwinnin doon emelim. Kōmelmel im kakajur, einwōt ekotak, ettōr, im kōmelmel ikkure, reban koba an riikkure lukkuun-ekkeitaak enwin doon ilo jabdewōt wewein.

Kōmelele ko: Kin wūnin melele in kajinet in, kōmelele ko laajrak rekkar ñan:

- Melelein “ikkure ko elab an rikkure ekkeitaak enbwinnin doon” ej ikkure ko reaikuj ak emaroñ lab joñan an riikkure ro ekkeitaak doon, im ekoba bōtab ejab bōjrak wōt kin ikkure ko an football, rugby, wrestling, cheerleading, basketball, hockey, tuuj, water polo, lacrosse an emaan.
- “Ikkure ko edik im ebwe joñan an riikkure ekkeitaak enbwinnin doon” ekoba bōtab ejab bōjrak wōt kin softball, baseball (iakiu), soccer, volleyball, lacrosse an kōrā, flag football.
- “Ikkure ko rikkure ro rejab ekkeitaak enbwinnin doon” ekoba bōtab ejab bōjrak wōt ñan tennis, swimming (aō), golf, cross-country, track and field (ettōr), cheer im tuuj jen tōrerein jikin ikkure/ejellok kebaak.

Kōmelele:

Uwōta in aer lelok kij in nañinmej eo an COVID-19 enaj ekkar ñan elōñ wewein ko ekoba:

- 1) Wōran armij ilo juon jikin
- 2) Jikin rot (iloan em ak inabōj)

- 3) Joñan an armij ettolok jen doon
- 4) Aitokin ien bed ijo
- 5) Alen kein kejbarok ko rej kōnaki (einwōt kein kalbubu iturin māj)

Einwōt ñan melele in kajinet eo ekkā, kumi ko rediklok joñaer elablok aer kejbarok jen ro relablok; ijoko inabōj elablok aer kejbarok jen ijoko iloan em; ikkure ko remaroñ loloorjak ettolok kin jiljino (6) ne ak lablok elablok aer kejbarok jen ro rebaake doon; im an kadulok ien elablok an kejbarok jen ñe aitoklok ien. Riikkure ro, coach ro, im rialwōj ro reaikuj ekōnak kein kalbubu iturin māj ko ekkar ñan [Melele in Kajinet eo an Aoleben State eo ikijen Ekōnak Kein Kalbubu iturin Māj an Taktō, Kein Bōbrae iturin Māj, im Kein Kalbubu iturin Māj](#). Director im coach ro an ikkure ko rej aikuj lōmnak kin aoleben wewein kein ilo ien aer bebe in rool in ikkure.

Mennin Aikuj ko Rekkā:

League ko, kaloj/university ko, coach ro, rikkure ro im rikōmelmel ro rej aikuj:

- Etale im loor [Melele in Kajinet eo an Oregon ñan Jikin Jerbal ko ikijen COVID-19](#) im [Melele in Kajinet an OHA ñan Bar Bellok](#) ñan Armij ro llobelej.
- Ñe ekkar, loor [Melele in Kajinet eo an Ra eo an Jelālokjen an Oregon](#).
- Kamo rijerbal im riikkure ro elañe ewōr jabdewōt [aer kakōllein COVID-19](#) jen aer deloñe ijoko ak jikin ikkure eo.
- Jab lelok naan in rōjañ ñan jabdewōt armij, ekoba rikkure ro, me elablok uwōta ñan aer bōk nañinmij ko rekauwōtata jen COVID-19 (waan joñak armij ro ewōr aer nañinmij in ejmour ko rejab bōjrak) jen aer etal ñan jabdewōt makūtkūt in ikkure.
 - Elañe juon riikkure, rijibañ, ak rialwōj enaj kwalok kakōllein COVID-19 ibben, juon rijerbal en kajitōk an etal jen ijo, lelok juon an kein kalbubu iturin mejen, kein bōbrae iturin mejen, ak kein kalbubu iturin mejen an taktō im jibañ kadiklok an kebaak ro jet mokta jen an moot jen ijo. Kaju karreo im manman kij jen aoleben ijoko rinañinmij eo ear kōjembali.
- Kilōk jikin idaa aebōj, ijellokun men ko emōj kōmmani ñan etteiñ nien aebōj ilo an bato eo jab uññūri jikin etteiñ eo. Rōjañ an aoleb riikkure ro bōktok aer make bato in aebōj emōj aer teiñi.
- Ekōnak kein kalbubu iturin māj einwōt an taktō, kein bōbrae iturin māj ak kein kalbubu iturin māj, ñe kwōj bōk kwōnaam ilo juon ikkure iloan em ak inabōj ñe eabañ am loloorjak ettolok jiljino (6) ne jen doon. Wūnin kein kalbubu iturin māj eo ej ñan kejbarok ro jet ñe ebaj wōr kij in nañinmij eo ibbōm. Armij remaroñ kajeded COVID-19 meñe rejab eñjake aer nañinmej. Lale [Melele in Kajinet eo ñan Aoleben State eo kōn Kein Kalbubu iturin Māj einwōt an Taktō, Kein Bōbrae Iturin Māj im Kein Kalbubu Iturin Māj](#) ñan elōñlok melele ko.
- Loloorjak bwe aoleb rialwōj ren ekōnak kein kalbubu iturin māj einwōt an taktō ro, kein bōbrae iturin māj, ak kein kalbubu iturin māj, jekdoon aer bed inabōj einwōt ekkar ñan [Melele in Kajinet eo an Aoleben State eo ñan Kein Kalbubu iturin Māj einwōt an Taktō, Kein Bōbrae iturin Māj, Kein Kalbubu Iturin Māj](#).

- Loloorjak ejimwe an madmōd kein jermal ko rej kadeloñ im kadiwōj mejatoto eo iloan mweo. Kōlablok an mejatoto eo diwōj deloñ ñan joñan aṃ maroñ ilo aṃ kōbellok wūntō im kejem ko, kōjermal deel ko, ak bar wewein ko jet. Jab kōbellok wūntō im kejem ko elañe aṃ kōmman eindein enaj lelok uwōta ñan rijermal, rialwōj, ak riikkure ro.
- Lelok melele in kakien im kin ijoko ñan riikkure/ro rej bōk kwōnaer, jinen im jemen, rikejbarok, im rilale ro mokta jen aṃ bar jino makūtkūt ak jinoin season eo.

Karreo im Jolok Jorren:

League ko, kaloj/university ko, coach ro im rikōmelmel ro rej aikuj:

- Ikut aer karreo im manman kij ilo kein ikkure ko rej kōjermal ibben doon. Ekoba ak ejab bōjrak wōt kin, kein ikkure ko einwōt bōta im racket ko. Kōjermal kein manman kij ko emōj likūt ilo [laajrakin etan kein karreo ko emōj an Obij in Kejbarok Mejatoto \(EPA\) kōwebben](#) ñan SARS-CoV-2 kij eo me ej kōmman nañinmij in COVID-19.
- Kakien ke rijermal reaikuj in kōjermal wewein karreo ekoba an ikut aer kwal beir im kalbubuuk aer maje im bokbok. En ikut kwal bā kin joob im dān iomwin ejab diklok jen 20 jekōn, elabtata elikin aṃ jibwe men ko kwōj kōjermali ibben ro jet ak ilo ien aṃ wūr botim, bokbok, ak maje. Bōbrae aṃ jibwe mejem, botim im loñiōm.
- Ñe ejellok joob im dān, kōjermal juon kein manman kij in bā ewōr 60-95% arkool kobban. Likūt kein manman kij eo ion aoleben beim im iri beim ibben doon mae ien remōrā.
- Rōjañe an riikkure ro bōktok aer make kein manman kij in bā ñan aer make kōjermale. Emōj rōjañ an league ko lelok jikin kwal bā im/ak kein manman kij in bā.
- En ekut aṃi karreo im manman kij ijoko elab ito-tak, im ion men ko me ekkā jibwi ijoko rijermal, riikkure im rialwōj rej kōjermale.
- Loloorjak an karreo im manman kij ilo imōn kōbojak ko mokta im elikin jabdewōt makūtkūt an league eo.

Kōttolok im Wōran Armij:

League ko, kaloj/university ko, coach ro im rikōmelmel ro rej aikuj:

- Kōmman joñan kakobaba in armij ñan kajojo makūtkūt in ikkure eo ñan elabtata 100 armij iloan em, 250 armij inabōj, im en jab loñlok jān 250 wōran armij iloan em im inabōj; ak wōran armij, ekoba rijermal, ekkar ñan aer lale joñan ijo (jukweea ne/wōran armij), jabdewōt eo ediklok. Loloorjake an armij ettolok ejab diklok jen jiljino (6) an kajojo armij. Rej aikuj kōjermal juon kein kalbubu māj ko emōj kōmman joñan ñan jikin taktō, kein bōbrae iturin māj ak kein kalbubu iturin māj koba ibben aer kōttolok doon.
- Kōmman im kōjejjēt kūtien juon plan ñan kōmman joñan rialwōj ro kwōj kadeloñ ñan ijoko bwe aoleb rijermal, rijibañ, ri-koontōreak im rialwōj ren maroñ bed jiljino (6) ne ettolok jen doon.
- Jitōñe juon rijermal ej lale an rialwōj ro ettolok jiljino (6) ne jen doon, ekoba, ilo jikin deloñ, diwōj, imōn kōbojak ko im bar jabdewōt jikin armij renaj maroñ kakobaba ie.

- Elabtata an aurōk an armij kejbarok aer ettolok jen doon ñe [ewōr kadede aer nañinmij](#). Jarin armij rein elablok uwōta ñan nañinmej kauwōtata jen COVID-19.
- Rōjañ an aoleb armij ilo jikin ikkure ekoba riikkure, coach ro, rijibañ, referee ro, rikoontōreak ro, im rialwōj ro, bwe ren kōttolok doon ejab diklok jen jiljino (6) ne jen armij ro me rejab jokwe ilo ejja kapijukunen eo elabtata ijoko ekkā aer aen doon.
- Ñe elōñ makūtkūt in ikkure ko rej kōmman ilo ejja jikin eo ilo ejja ien, league ko, coach ro im rikaki ro rej aikuj:
 - Loloorjak an riikkure im rialwōj ro ilo makūtkūt in ikkure ko rejab kōjerbal ejja ijoko, ekoba bōtab ejab jemlok wot ñan imōn kōbojak, hallway ko, jikin wia mōñā im mweiuk.
 - Karreo im manman kij ioon ijoko ekut jibwi, einwōt kein jibwe kejem ko, ikōtaan keem ak makūtkūt ko rej kōmman elikin doon.
 - Karreo im manman kij ijoko elab ito-itak einwōt jikin deloñ, diwōj, tebōl ko imaan ilo jikin deloñ, imōn kōbojak im jikin wia mōñā im mweiuk, ikōtaan keem ak makūtkūt ko rej kōmman elikin doon.
 - Elañe kumi ko im rialwōj ro ilo juon wōt makūtkūt in ikkure renaj jimor kōjerbal juon wōt imōn kōbojak, likūt bwe en belloko wōt kejem in diwōj im deloñ ko an imōn kōbojak ko, ñe remaroñ, im en ikut karreo im manman kij ioon ijoko ekut jibwi einwōt kein ejob kejem im bojet ko.
 - Ñan joñan aer maroñ, rikōmadmōd jikin ikkure ko ren:
 - Kōmman an oktak ien an rijerbal, riikkure, im rialwōj iwōj im rool ñan kadiklok aer kakobaba ilo jikin deloñ, jikin diwōj im mōko imōn kōbojak ñan loore kakien ko ikijen kōttolok doon.
 - Lelok jikin deloñ im diwōj ko rejenolok ñan rijerbal, riikkure im rialwōj ro.
- Likūt jikin mānija im coach ro, ñe ejab ien katak/ikkure, ñan loloorjake ke rej kōttolok jen enbwinin doon.

Kōmelmel im Ikkure:

Ñan joñan aer maroñ, League ko, kaloj/university ko, coach im rikōmelmel ro ren:

- Madmōd ñan loloorjake ke armij ro rej bōk kwōnaer/rikkure ro rej kebaak doon ñan joñan aer aikuj ñan ikkure eo wōt. Men in ekoba jab shake hands, high five, keitaak/bā jimwin bā, keitaak ob im aen doon ñan kōjerammōn ko.
- Kōttolok kein jerbal ko ñan kejbarok an riikkure ro jab kaju kebaak doon.
- Rōjañ an riikkure ro kōjerbal kein jerbal ko aer make wōt ilo ien remaroñ. Kwōn bōbrae ak kadiklok aṃi kōjerbal kein jerbal ko ibben doon, ilo ien kwōmaroñ.
 - Elōñ jet kein jerbal ko ruarōk remaroñ jab wōr ñan an kajojo riikkure make kōjerbale. Ñe aikuj bwe riikkure ro ren jimor kōjerbal kein jerbal ko ruarōk ak reiet, kajojo kein jerbal ko rej kōjerbali aikuj ikut an karreo im manman kij, joñan eo ekkar ñan ikkure eo (einwōt ikōtaan riikkure, ien bōjrak, ien ko, ak keem ko). Kōjerbal kein manman kij ko emōj likūt ilo [laajrakin etan kein karreo ko emōj an](#)

[Obij in Kejbarok Mejatoto \(EPA\) kōwebben](#) ñan SARS-CoV-2 kij eo me ej kōmman nañinmij in COVID-19. Ejañin wōr juon kein karreo emōj likūt melele ko an ej ñan COVID-19, ak elōñ kein karreo ko im ewōr aer kōmelele ilo website ko aer kin aer jermal ikijen coronavirus eo ibben armij.

- Karreo aoleb kein jermal ko rej kaju ekketaak bar, māj, bā, im kwōn lukkun tiljek im niknik ilo am̄ karreo.
- Rōjañ riikkure ro im/ak ro uwaan baamle ko aer bwe ren karreo im jolok kij ilo kein jermal ko elikin kajojo ien aer kōjembali elañe remaroñ.
- Kōmelim an rikaki, coach im riikkure ro wōt etal ñan ien katak ko ñan lolorjak an aoleb kattolok doon im kabōjrak an armij aen doon.
- Katak ak ikkure inabōj ñe emaroñ kōmman ilo an ejellok jorren, ilo ien ejab rube jabdewōt kakien ko an bukwōn eo. Kwōn kōlaajrak ien ebwe ikōtaan ien katak im ikkure ko bwe aoleb armij ro jen ien katak eo mokta ren maroñ diwōj jen ijo mokta jen an kumi eo juon deloñ. Men in ej kadiklok an armij kakobaba iturin jikin deloñ, diwōj im imōn kōbojak ko ilo an wōr ien ñan karreo im manman kij ilo jikin/kein jermal ko.
- Kakien bwe armij ro ren deloñ ijo juon wōt jikin deloñ im diwōj ilo juon wōt jikin diwōj. Jab bineje jikin diwōj ilo ñan ien eo enaj wōr kijeek. Kōjermal kōjjele ak bija ko ñan kwalok ial in ito-tak jit-wōt-juon. Lōmnak kōn am̄ laajrak im kōmman ien deloñ ñan ijoko ñan kadiklok joñan armij ro rej deloñ im diwōj ilo juon wōt ien.
- Bed wōt inabōjin ijoko (waan joñak ilo wa) mae ien katak ak ikkure eo. Men in ej kōtlok an armij moot jen ijoko mokta jen an kumi eo juon deloñ im ej kadiklok kakobaba in armij. Rōjañ an aoleb riikkure ro im baamle ko aer bar kōmman eindein.
- Ñan bōk elōñlok melele in kajinet ko kin jikin tutu pool ko, lale [Jejjetin Melele in Kajinet ñan Jikin Tutu ko ewōr Aer Laijen, Jikin Spa Pool ko ewōr Aer Laijen, im Koot in Ikkure ko.](#)

Ito-itak:

Ito-tak ñan jikin ko inabōjin state eo emaroñ kōlablok an ajeded nañinmij eo. Uwe ilo balun ko aitok ial eo, ekoba ito-tak ko iloan wōt lal eo, im jabdewōt jikin etal ñane ej kōmman joñan uwōta kin an nañinmij eo ajeded. Kin inebata eo elablok, im bar uwōta eo elablok, ej an lablok an armij kebaak doon ilo ien aer kōttar ilo airport ko.

League ko, kaloj/university ko, coach ro, rikkure ro im rikōmelmel ro rej aikuj:

- Kadiklok aer kebaak armij ro rejab bed ilo droulul in ilo ien ito-tak:
 - Aoleb ro uwaan juon droulul in ito-tak ekoba rijermal, riikkure ro, coach ro, rikattōr ro, elañe ilo baj ak kar, aikuj ekōnak kein kalbubu māj an jikin taktō, kein bōbrae iturin māj, ak kein kalbubu iturin māj im lolorjak an jab diklok jen jilu (3) ne ikōtaan bajinjea ro ibben droulul in ito-tak eo.
- Kadiklok ito-tak ñan ro ekkā aer kebaak doon im ro emōj am̄i likūt rej aikuj jermal (einwōt, rikkure ro, coach ro, im rijermal ro ikijen taktō).
- Ito-tak ilo balun

- Ilo ien emaroñ, lõmnak kin aṃ jata balun im jab uwe ilo baluun ko ebol armij rej uwe ie. Ito-tak ilo baluun aikuj ibben juon kombani in balun elab wewein aer kejbarok ñan jab bōk nañinmij eo im rej kabin aikuj ko ikijen ekōnak kein kalbubu māj ko an aoleben lal in.
- Ebōk kein manman kij in bā ewōr 60-95% arkool kobban ilo aoleb ien im en ikut aṃ kōjerbale.
- Ekōnak kein kalbubu māj an jikin taktō ak kein kalbubu māj aoleb ien im kadiklok an utūki ñan aṃ mōñā im idaak.
- Jab ito-tak ilo ejja juon balun emōj aṃ jata ibben bar juon kumi.
- Jeiki etan aoleb bajinjea ro ekoba rikattōr eo, pilot eo, im rijerbal ro ilo balun eo, koba ibben raan im awa in ien ito-tak eo im nōmba/laijen eo an wa eo, elañe ekkar.
- Kōmelim an rikattōr ro ektak elōñ kumi in ito-tak elañe rej kōnake juon kein kalbubu iturin māj im rej manman kij in bāer mokta im elikin aer kattōre kajojo kumi eo. Wa ko reaikuj karreo ikōtaan kajojo doulul in rijikuul ilo aer loor [melele in kajinet ikijen ial in ito-tak](#).
- Kōjerbale wewein kejbarok kin COVID-19 elikin aṃ rool ñan Oregon jen state ko jet. Jet mwil ko eindein ekoba karreo beim, kōttolok kwe jen armij, im ekōnak kein kalbubu māj an jikin taktō ak kein kalbubu māj ko jet, im loloorjak an aoleb rijerbal im rijikuul ro ewōr aer wewein kōmadmōd etiljek nan aer make lale/kōjellā kin kakōllein COVID-19.
- Loor laajrak ko ilo ien aṃ rool ñan juon jikin ikkure elikin aṃ ito-tak ñan jikin ko jet inabōjin state eo:
 - Ñe kwōj eñjaak [kakōllein COVID-19](#), kebaak taktō ñan aṃ teej.
 - Karejar ibben Maroñ kin Eymourin Lobelej eo ilo Bukōn eo aṃ elañe renaj kebaak kwe kin aer anōke armij ro rar kebaak.
 - Ekōnak kein kalbubu māj an jikin taktō ak kein kalbubu māj ko ilo aṃ loor [Melele in Kajinet ñan Ekōnak Kein Kalbubu Māj an Jikin Taktō, Kein Kalbubu Māj, im Kein Bōbrae iturin Māj](#).

Ñan joñan aer maroñ, league ko, kaloj/university ko, coach im rikōmelmel ro ren:

- Kadiklok aer kebaak armij ro jet iomwin 10 raan elikin ien eo rar ito-tak.
- Kajjioñ in ito-tak im ikkure ilo juon wōt raan ñan aṃ jab aikuj kiki jikin ko jet, ilo ien kwōmaron. Ñan ien ko kwōj aikuj kiki ilo jikin ko jet ilo ien aṃ ito-tak im ilo ito-tak ko an ejja raan eo, lõmnak kin aṃ bōk mōñā ko emōj aer kadede bakij ak aer bōkwaj mōñā ñan ruum eo kwōj kiki ie. Elañe aṃ mōñā iloan juon restaurant ej kelet eo wōt, lõmnak kin aṃ take out ak mōñā inabōj einwōt mennin ekelel remmantata.

Jikin Kwelok ko an Pac-12

Kumi in Kwelok ko an Pac-12 im rekōnaan ikkure ilo State eo an Oregon rej aikuj lelok laajrak in makūtkūt ko aer ñan Obij eo an Maroñ kin Eymour an Oregon (OHA) im obij eo an Governor eo ñan loloorjak aer katak, jiāe, im ikkure ej loor aoleben melele in kajinet ko jen eymourin lobelej im aikuj

ko ilo alen eo im county eo ej bed ie. Katak, jiāe im ikkure eban bar jinoe mae ien emōj etale laajrak ko im emōj an obij eo an Governor im OHA kōmelim.

Ikkure in Kwelok Pac-12 im rej kōmelmel im ikkure iloan State eo an Oregon rej kōjekdoon jen aer loor aoleb melele in kajinet ko emōj jakemaanlok, ekoba ikkure ko an kaloj, Ro rej jimettan kabel, im ikkure ko an Minor League an aoleben state eo, melele in kajinet ñan kadiklok joñan rool in ikkure. Kumi in ikkure in Kwelok Pac-12 emōj katmāne aer naj debij kein joñjoñ ko emōj kōmman jen kajojo league ko aer ilo ien aer kōmelmel, ikkure, anōke won ro rar kebaak, teej, quarantine, im men ko jet rekkar ñan aer lōmnak kake, ekoba laajrak ko emōj kōmelim jen ibben OHA im Obij eo an Governor eo. Pac-12 ikkure ko im rej ikkure ilo Oregon reaikuj loor [Melele in Kajinet eo an OHA ñan Bar Bellok ilo Alen Ruo - Rikōmadmōd ro an Jikin im Makūtkūt.](#)

Kein Jibañ ko Jet:

- [Kōjellā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj einwōt an Jikin Taktō, Kein Bōbrae Iturin Māj, Kein Kalbubu Iturin Māj](#)
- [Melele in Kajinet an CDC ñan Rilelok ro an Baak im Imōn Ikkure ko](#)

Maroñ Loe Beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Mavel Morales ilo 1-844-882-7889, 711 TTY ak OHA.ADAModifications@dhsosha.state.or.us.